



MIGUEL ÁNGEL DELGADO GONZÁLEZ
R/ JUAN CASTRO MOSQUERA 28, 2ºB, Dcha.
15005 A CORUÑA

Asunto: *Solicitud de acceso á información pública*

Interesado/a: *Miguel Ángel Delgado González*

Procedemento: *TR_7/2021*

Vista a solicitude de acceso á información pública que tivo entrada na Secretaría Xeral de Medios o 20 de xullo de 2021, presentada por Miguel Ángel Delgado González, emítase esta resolución en base aos seguintes,

FEITOS

PRIMEIRO - O 20 de xullo de 2021 tivo entrada na Secretaría Xeral de Medios unha solicitude de acceso á información pública presentada por Miguel Ángel Delgado González na que, en síntese, solicita:

“Copia documental correspondiente a las campañas en redes sociales en los registros de la Xunta de Galicia en los años 2013, 2014, 2015, 2016, 2017, 2018, 2019, 2020 y previsión del 2021”

SEGUNDO – Analizado o contido da solicitude de acceso á información pública formulada, o subdirector xeral de Réxime Xurídico deulle traslado de copia da solicite á Subdirección Xeral de Xestión e Coordinación de Medios, para que emitira informe, á vista das competencias que ten atribuídas nos artigos 15,16 e 17 do citado Decreto 109/2021.

TERCEIRO – O 27 de xullo de 2021, a Subdirección Xeral de Xestión e Coordinación de Medios remitiu informe.





FUNDAMENTOS DE DEREITO

PRIMEIRO- Competencia

De conformidade co artigo 27.3 da Lei 1/2016, do 18 de xaneiro, de transparencia e bo goberno, no ámbito do sector público autonómico, a competencia para a resolución da solicitude de acceso a información relativa a comunicación audiovisual corresponderá á persoa titular da secretaría xeral de Medios.

Non obstante, de conformidade co Acordo do 5 de novembro de 2018, do Vicepresidente e Conselleiro de Presidencia e Administracións Públicas, polo que se admite o incidente de recusación formulado por Miguel Ángel Delgado González, a competencia para resolver este procedemento administrativo corresponderá ao subdirector xeral de Réxime Xurídico da Secretaría Xeral de Medios.

SEGUNDO- Normativa aplicable

- Lei 9/2013, do 9 de decembro, de transparencia, acceso á información pública e bo goberno.
- Lei 1/2016, do 18 de xaneiro, de transparencia e bo goberno.
- Orde do 3 de marzo de 2016 pola que se aproba o modelo normalizado de solicitude de acceso á información pública da Administración Xeral e das entidades integrantes o sector público autonómico de Galicia.
- Decreto 109/2021, do 15 de xullo, de estrutura orgánica dos órganos superiores e de dirección dependentes de Presidencia da Xunta de Galicia.

TERCEIRO- Prazo

De conformidade co artigo 27.4 da Lei 1/2016, do 18 de xaneiro, de transparencia e bo goberno, *“a resolución na que se conceda ou denegue o acceso deberá notificarse á persoa solicitante e aos terceiros afectados que así o solicitasen, canto antes e, como máis tarde, no prazo máximo dun mes desde a recepción da solicitude polo órgano competente para resolver”*.

En consecuencia, vista a solicitude de acceso á información formulada, de conformidade co establecido nos artigos 26 e 27 da Lei 1/2016, do 18 de xaneiro, de transparencia e bo goberno e de acordo co informado pola Subdirección Xeral de Xestión e Coordinación de Medios,





RESOLVO

Conceder a Miguel Ángel Delgado González o acceso á información nos termos fixados no informe de data 27 de xullo de 2021 emitido pola Subdirección Xeral de Xestión e Coordinación de Medios, segundo o cal:

“Toda a documentación e datos solicitados correspóndense cos do expediente PAS 1-2021 de contratación dun servizo para o desenvolvemento de accións de comunicación dixital das campañas de información pública no actual contexto epidemiolóxico.

A información esta dispoñible na seguinte URL:

<https://www.contratosdegalicia.gal/licitacion?OP=50&N=801824&lang=gl>”

Santiago de Compostela, na data da sinatura electrónica que figura á marxe

A secretaria xeral de Medios

(por substitución, segundo Acordo do 5 de novembro de 2018, do Vicepresidente e Conselleiro de Presidencia e Administracións Públicas)

O subdirector xeral de Réxime Xurídico

Enrique González Murga

